

VENDIM
Nr.81, datë 12.2.2004

PËR TRANSFERIMIN E PRONAVE TË PALUAJTSHME SHTETËRORE TË SISTEMIT TË UJËSJELLËS-KANALIZIMEVE NË PRONËSI TË NJËSIVE TË QEVERISJES VENDORE

Në mbështetje të pikës 5 të nenit 100 të Kushtetutës, të neneve 8, 10 pika 3.I, 72 pika 5.I shkronjat “a” dhe “b” të ligjit nr.8652, datë 31.7.2000 “Për organizimin dhe funksionimin e qeverisjes vendore”, të neneve 3 shkronja “e” 4, 6 shkronja “a” dhe të nenit 16 të ligjit nr.8744, datë 22.2.2002 “Për transferimin e pronave të paluajtshme publike të shtetit në njësitë e qeverisjes vendore”, me propozimin e Ministrit të Pushtetit Vendor dhe të Decentralizimit, Ministrit të Rregullimit të Territorit dhe të Turizmit dhe të Ministrit të Ekonomisë, Këshilli i Ministrave

VENDOSI:

1. Miratimin e transferimit të pronave të paluajtshme shtetërore të sistemit të ujësjellës-kanalizimeve në pronësi të njësive të qeverisjes vendore, sipas lidhjeve 1, 2 e 3 që i bashkëlidhen këtij vendimi.

2. Njësitë e qeverisjes vendore, të cilave u transferohen pronat e paluajtshme të sistemeve përkatëse të ujësjellës-kanalizimeve, të respektojnë marrëveshjet, detyrimet kontraktore, kontratat e shërbimit dhe të koncesionit, të nënshkruara ndërmjet Këshillit të Ministrave, ministrive dhe institucioneve qendrore, sistemit të ujësjellës-kanalizimeve dhe njësive të qeverisjes vendore me donatorët e huaj dhe shoqëritë kontraktuese.

3. Njësitë e qeverisjes vendore, të cilat përfitojnë pronat sipas lidhjeve 1, 2 e 3 të këtij vendimi, janë të detyruara të ruajnë statusin juridik, të paktën për një periudhë 2-vjeçare.

4. Ministria e Ekonomisë të pasqyrojë ndryshimet e kapitaleve që vijnë si rezultat i transferimit të pronave të paluajtshme në njësitë e qeverisjes vendore, sipas lidhjeve 2 dhe 3. Forma e administrimit për sistemet që transferohen të përcaktohet nga njësitë e qeverisjes vendore.

5. Zyrat e regjistrimit të pasurive të paluajtshme dhe njësitë e qeverisjes vendore të kryejnë procedurat e regjistrimit të pronave, të miratuara në këtë vendim.

6. Detyrimet financiare të prapambetura, deri në çastin e transferimit të pronave të paluajtshme shtetërore të sistemeve të ujësjellës-kanalizimeve në njësitë e qeverisjes vendore, të rregullohen me vendim të veçantë të Këshillit të Ministrave.

7. Ministria e Rregullimit të Territorit dhe e Turizmit, në bashkëpunim me Ministrinë e Financave dhe me Ministrinë e Pushtetit Vendor dhe të Decentralizimit, të pasqyrojë në buxhetin e njësive të qeverisjes vendore për vitin 2004 fondet përkatëse për pagat, sigurimet shoqërore, subvencionet e investimet buxhetore për pronat e transferuara, duke iu referuar buxheteve përkatëse të viteve të mëparshme dhe akteve ligjore në fuqi.

8. Ngarkohen Ministria e Ekonomisë, Ministria e Rregullimit të Territorit dhe e Turizmit, Ministria e Financave dhe Ministria e Pushtetit Vendor dhe e Decentralizimit, në bashkëpunim me njësitë e qeverisjes vendore dhe donatorët e huaj, për zbatimin e këtij vendimi.

9. Ministrinë dhe institucionet qendrore përkatëse të hartojnë udhëzimet e përbashkëta në zbatim të këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Fatos Nano

Lidhja 1

Ndërmarrje të ujësjellësve dhe të kanalizimeve, pronat e paluajtshme shtetërore të të cilave transferohen plotësisht

Nr.	Emërtimi i ndërmarrjes	Lloji	Njësia e qeverisjes vendore në të cilën transferohen	Referenca e miratimit të listave të inventarëve	
				VKM nr.dt.	Lista nr.
1.	Ujësjetllës-kanalizime Fushë-Arrëz	Sh.a.	Bashkia Fushë-Arrëz	251 24.4.2003	2
2.	Ujësjetllësi Vau i Dejës	Ndërm.	Bashkia Vau i Dejës	251 24.4.2003	15
3.	Ujësjetllës-kanalizime, Ersekë	Sh.a.	Bashkia Ersekë	643 18.9.2003	3
4.	Ujësjetllësi Novoselë	Ndërm.	Komuna Novoselë	643 18.9.2003	8

Lidhja 2

Ndërmarrje të ujësjetllësve dhe të kanalizimeve, pronat e paluajtshme shtetërore të të cilave transferohen plotësisht sipas sistemeve përbërës

Nr.	Emërtimi i ndërmarrjes	Lloji	Njësitet e qeverisjes vendore në të cilat transferohen	Nr.e sistemeve që transferohen	Referenca e miratim.invent.
1.	Ujësjetllës kanalizime Pukë	Sh.a.	Bashkia Fushë-Arrëz	Sist. 4.5.6.7	VKM 251 24.4.2003 Lista II
2.	Ujësjetllësi Bilisht	Sh.a.	Komuna Qendër Bilisht Komuna Hoçisht	Sist.2.3.4 Sist.5	VKM 366 5.6.2003 Lista 7
3.	Ujësjetllësi Gjirokastër Ndërm.Fshat	Ndërm.	Komuna Lunxhëri Komuna Qendër, Libohovë Komuna Cepo Komuna Antigone	Sist.1.13 Sist 2.3.8 Sist.5.12,20 Sist.6.10,16,19	VKM 366 5.6.2003 Lista 14

Lidhja nr.3

Ndërmarrje të ujësjetllësve dhe të kanalizimeve, pronat e paluajtshme shtetërore të të cilave transferohen vetëm për sistemet përbërëse të identifikuar

Nr.	Emërtimi i ndërmarrjes	Lloji	Njësitet e qeverisjes vendore në të cilat transferohen	Nr.i sistemeve që transferohen	Referenca e miratim.invent.
1.	Ujësjetllësi Malësi e Madhe	Sh.a.	Komuna Shkrel	Sist.3	VKM 251 24.4.2003 Lista 6
2.	Ujësjetllësi Përmet	Sh.a.	Komuna Q.Piskovë	Sist.6	VKM 251 24.4.2003 Lista 9
3.	Ujësjetllësi Skrapar	Sh.a.	Komuna Qendër	Sist.13,14,15,16,17,	VKM 251

				18,19	24.4.2003 Lista 13
4.	Ujësjiellësi Vlorë	Sh.a.	Bashkia Selenicë Komuna Kotë	Sist.3 Sist.12,13	VKM 251 24.4.2003 Lista 16
5.	Ujësjiellësi Bajram Curri	Sh.a.	Komuna Fierzë	Sist.4	VKM 366 5.6.2003 Lista 2
6.	Ujësjiellësi Elbasan, Fshat	Sh.a.	Komuna Mollas	Sist.11	VKM 366 5.6.2003 Lista 5
7.	Ujësjiellësi Korçë, Fshat	Sh.a.	Komuna Drenovë	Sist.1	VKM 643 18.9.2003 Lista 9